

# Der erst taylor.

## ¶ Das. xlv. Capitel.

¶ Item gereucht fleysch mit nesseln/ ligt vnd wurmet nit vber jar.

## ¶ Das. xlvj. Capitel.

¶ Zoldermuß zumachen/ nim holderplüt vnd brock sie in ein siedende gutte milch/ ein gut teyl/ laß sieden/ treyß es durch ein tuch/ mach einen herten teyg von ayern/ vnd welg darauß dünne pletter/ schneyden teyg klein in würmleins weyß/ thu in inn die siedende milch/ das sie yñerts sied/ vñnd rür das gar wol/ das es sich vermische/ salze es vnd machs ab mit milch schmalz.

## ¶ Das. xlvij. Capitel.

¶ Item ein ander holdermuß von Beren/ Nym die holderber/ wasch sie schön/ nym dann weyß gebeets brot/ stoß die ber vnd das brot mit guttem wein oder hünnerbrü/ thu geribnen lecfuchen oder hönig darzu/ machs ab mit würtzen/ treyß es durch ein tuch in einen hasen oder in ein pfannen/ laß wallen vnd see würtz darauff.

¶ Item wilt du machen ein muß von mußbieren / So thu inen als den holderberren.

## ¶ Das. xlvij. Capitel.

¶ Item ein ander muß vñ Biren/ nim ein weyt kurtz heselein schneyd Biren darein die gut seind/ schel zwiffeln/ vnd thu wein vnd saltz vñ schmalz daran/ verdeck es wol/ vnd setz in die glut/ es verzert sich vñ muset sich selber/ richt es an vnd see Ingeber darauff.

## ¶ Das. xlix. Capitel.

¶ Item ein spffelmuß on zwiffeln mach auch also/ Schneyd kleine schnitzlein/ ein wenig milch oder wein/ auch würtz/ saltz vñ schmalz verdeck es wol vnd laß sieden bey kleinem feür.

## ¶ Das. l. Capitel.

¶ Item ein Bromber muß oder ein Weyßsel muß mach also/ Stoß die Bromber oder Weyßseln in einem Möser / thu weyß brot darzu vnd streych es durch ein tuch/ nym dann mel vnd milch das zwir gar wol/ thu es vnter einander in ein pfann vber das feuer / rürs wol vnd versaltz nicht/ das wirdt ein braun muß/ richt es an vnd see dann Ingeber darauff / die pfann sol sein schmalzig / oder thu schmalz